

Program pendigitalan bantu PKS tingkat pendapatan

MOHD AZLIM ZAINURY | 20 November 2021



Amirudin melawat reurai disediakan selepas majlis perasmian 'Selangor Smart City dan Digital Economy Convention' di Pusat Konvensyen Kuala Lumpur pada Sabtu.

KUALA LUMPUR - Kerajaan Selangor melalui Perbadanan Teknologi Maklumat dan Ekonomi Digital Selangor (Sidec) melaksanakan pelbagai program pendigitalan dalam membantu perusahaan kecil dan sederhana (PKS).

Menteri Besar, Datuk Seri Amirudin Shari berkata, malah perniagaan yang dijalankan peserta terbabit turut bertindak balas sekali gus pulih daripada kesan ekonomi akibat pandemik global Covid-19.

"Saya merasa bangga untuk berkongsi beberapa kejayaan diperoleh Sidec tahun ini apabila kerajaan negeri melalui Sidec telah berjaya melaksanakan empat kempen E-Bazar seperti E-Bazar Raya 2020, E-Bazar 11.11 Mega Sales, E-Bazar CNY 2021 dan E-Bazar Raya 2021," katanya.

Beliau berkata demikian pada majlis perasmian 'Selangor Smart City dan Digital Economy Convention' menerusi tajaan Affin Bank Berhad di Pusat Konvensyen Kuala Lumpur di sini pada Sabtu.

← Ads by Google

Stop seeing this ad

Why this ad? ⓘ

Hadir sama, Exco Perindustrian dan Perdagangan Negeri Selangor, Datuk Teng Chang Khim dan Presiden CTDK Holdings Sdn Bhd, Datuk Seri Siti Nurhaliza Tarudin.

Dalam pada itu, Amirudin berkata, kebanyakan peniaga menunjukkan peningkatan dalam hasil jualan mereka sebanyak dua dan tiga kali ganda selepas menyertai kempen E-Bazar.



Siti Nurhaliza (kanan) menyampaikan cenderahati kepada Amirudin.

"Saya juga gembira melihat bagaimana Haji Mohd Ghazali Anuar dari Baiworld Kitchen yang merupakan seorang lagi peniaga yang mendapat manfaat daripada kempen itu.

"Menjual pelbagai produk seperti kerepek peria dan sambal, dia yang sebelum ini hanya berjaya menjual 60 hingga 70 unit sehari tetapi selepas menyertai kempen E-Bazar Raya Selangor, jaluannya telah meningkat lebih dua kali ganda dengan pendapatan kasar RM3,000 sehari.